



**LEGAZPIKO
UDALA**

2019rako LEGAZPIN ENPLEGUA SUSTATZEKO PLANAREN OINARRI ARAUTZAILEAK

Legazpiko Udalak 30.000€ko diru-partida aurreikusi du 2019ko Aurrekontuetan, aurtengo ekitaldian enplegua sustatzeko.

Udalak sustatutako 2019ko Enplegu-plana espazio publikoak biziberritzeko erronka gisa finkatu da. Horrekin hiri-ingurunea hobetzea proposatzen da, modu horretan merkataritzarako eta biztanleen eta bisitarien mugikortasunerako espazio egokia sortuz.

Era berean, Lanbiden izena emanda duten langabetuen eta enplegu-eskatzailen kontratazioa erraztuko duen Plan bat jarri nahi da martxan. Planaren helburua lan-munduan sartzeko zailtasun bereziak dituzten pertsonen enplegarritasuna handitzea da, haiei euren kualifikazioa eta/edo gaitasun pertsonalak eta motibazioa sustatuko duen aldi baterako lan-esperientzia jasotzeko aukera eskainiz.

1. Kontratazioak:

Aipatu Enplegu-planaren baitan, Legazpiko Udalak 6 hilabeteko lanaldi osoko 2 kontratazio egingo ditu. Zehazki, ondorengo lanbide-profila izango duten pertsonak kontratatuko dira: zeregin askotariko 2 peioi.

Hauek dira kontratazio horien helburuak:

- Espazio publikoen erabilera bultzatzea, haiek behar bezala egokituz.
- Hiri-altzariak, garraio publikoetako inguruneak eta instalazio turistikoak eta kirolekoak egokitzea eta hobetzea.

2. Kontratatuko diren pertsonen baldintzak:

Kontratatuko diren pertsonak Lanbide-Euskal Enplegu Zerbitzuan izena emandakoak izango dira eta bertan enplegu-eskatzaille gisa azalduko dira. Halaber, peoi gisa gutxienez 3 hilabeteko esperientzia izan beharko dute.

Modu berean, hautaketa-prozesuan lehenetsiko dira azkeneko hiru (3) urtetan enplegu-plan baten barruan Legazpiko udaletxean Zerbitzurik prestatu ez duten pertsonak.

Modu berean, ondorengo kolektiboetako batekoak izango dira:

- a) 35 urteko edo hortik beherako langabeak.
- b) 45 urtetik gorakoak, enplegu-eskatzaille gisa eta langabezia egoeran gutxienez 6 hilabete daramatzatenak.



**LEGAZPIKO
UDALA**

- c) 55 urtetik gorakoak.
- d) Iraupen luzeko langabeak (Luzaroko langabetzat joko dira kontratatu aurreko 540 egunetan Lanbide-Euskal Enplegu Zerbitzuan lan-eskatzaille gisa inskribatuta egon eta langabezian gutxienez 360 egun eman dutenak).
- e) Gizarte-bazterkeria jasateko arriskuan dauden pertsonak (diru-sarrerak bermatzeko errentaren titularrak, beren elkarbizitza-unitateko kideak, desgaitasunen bat dutenak, genero-indarkeriaren emakumezko biktimak,...).

(Baldintza horiek ezartzeko, honakoa hartu da kontuan: EBAZPENA, 2019ko otsailaren 28koa, Lanbide-Euskal Enplegu Zerbitzuko zuzendari nagusiarena. Honen bidez, argitara ematen da enplegua sustatzeko toki-ekintzetarako 2019ko diru-laguntzen deialdia.)

3. Kontratatuko diren pertsonak aukeratzea:

Kontratatuko diren pertsonak LANBIDEK aukeratuko ditu, aurreko atalean ezarritako baldintzak beteko dituzten eta lan egiteko berak aktibatutako enplegu-eskaintzetan izena emango dutenen artean.

Aukeraketa egiteko ondorengo **baremoa** erabiliko da:

- Emakumea: 3 puntu.
- 55 urtetik gora: 6 puntu.
- Diru-sarrerak bermatzeko errentaren titularra: 3 puntu.
- Iraupen luzeko langabea: 3 puntu.
- Peoi gisa eskuratutako esperientzia eskatutakoa (3 hilabete) baino handiagoa bada: 3 hilabeteko puntu 1, gehienez 3 puntura arte.

***Berdinketa emanez gero, lehentasuna adinez nagusienak izango du.

4. Kontratatuko diren pertsonen lan-baldintzak:

Kontratazioak, obra edo zerbitzu zehatzetarako aldi baterako lan-kontratuen bidez egingo dira.

Kontratuak 6 hilabetekoak eta lanaldi osokoak izango dira.

Hileko ordainsari gordina 1.634€koa izango da (Udalhitz hitzarmen kolektiboaren 5. maila).

5. Izena emateko epea.

Interesatuta dauden pertsonak Lanbidek kudeatuko duen eskaintzan eman behar dute izena.

Izena emateko epea irailaren 12an hasiko da eta irailaren 25ean bukatuko da.